

Кивалтись партийной орган'ёслэсь отчетсэс но соосты быр'ёнэз организованно но выли уровеньын ортчытоно

Кивалтись партийной орган'ёсты быр'ён'ёс, ВКП(б)-лэн областной комитетезлэн решениез'я, ортчытэмын луны кулэ 5 апрельсен 25 апрелёз. Отчетно-выборной кампаны дыр сокем бадзм вис'ямын өвёл, соин ик партийной орган'ёслэн кивалтись-ёссылэсь орччоно партийной собраниослы мылысь-кыдысь, Зеч дасяськемзэс со кулэ каре.

Кивалтись орган'ёслэн отчет'ёссы но соосты быр'ён'ёс партийной организациослэн улоназы важнейшой политической кампаны. Со сокем азинлыко ортчытэмын луоз, макем умой пунктэмын луоз вань дасяськон уж'ёс но кызы тодматскемын луозы коммунист'ёс быр'ён'ёслэн задачасынызы но порядкенызы.

Та берло дыре партилен рад'ёсаз трос егитэсь коммунист'ёс пыризы, таос нырысьсэ участвовать карозы асьсэлэсь кивалтись орган'ёссы быр'ён'ёс. Соин ик быр'ён'ёслэн порядоксы сярхыс вал'ёс'я, егит коммунист'ёсты ВКП(б) ЦК-лэн инструкциеныз тодматон котькуд партийной кивалтисьлэн одно ик быдстоно задачез луэ. Со с'яна, отчетной собраниослы дасяськылу партийной кивалтисьлэсь лядэ басытыны кулэ азывыл быр'ён'ёслэсь уроксыс. Соку куд-ог партийной организациосын дасяськон уж'ёсты умой нуымтэнызы собраниос ортчылзы ули уровеньын, организованностьсё ой вал. Кылсярысь „Виль сюрес“ но „Горд кизили“ колхоз'ёсысь первичной парторганизациослэн отчетно-выборной собраниоссы умой-умой дасяськытэк ортчытэмын вал, коммунист'ёс собраниын тросыз выступать ёз карылэ, соин ик конкретной решениос но кутылэмын ой вал. Нош „Горд кизили“ колхозысь первичной парторганизациын отчетно-выборной собраниез ВКП(б) ЦК-лэсь инструкциез т'ягэ ортчытэмын вал. Быр'ён'ёссыны тупамон урна дасямзы потымтэен урод шыкысэ бюллетень-ёссыс лэзьяса голосовать карызы.

Партийной орган'ёсы очердной быр'ён'ёс ортчытэмын луны кулэ партилен XVIII с'ездэзлэсь но XVIII конференциезлэсь решениоссыс бы-

лэс'ямез мур эскерон улсын, та арлэсь народнохозяйственной планзэ азинлыко быдэстон понна нюр'яськонэ массаосты мобилизовать карон улсын. Соин ик отчетез дасянылы бадзм значение сётыны кулэ. Собрание потыны уг яра, отчет кызы кулэ озы дасямын өвёл ке, со уг ке возматы выли сыйлысь организациослэсь указаниоссыс, коммунист'ёслэсь критиказэс но наказ'ёссыс быдэс'ян бордын партийной организациослэсь вань ужзэ.

Собралилы дасяськонэз озы луктоно, чтобы котькуд ик коммунист азыло ик Зеч мел тодоз собрание но эскероно уж'ёс сярхыс, чтобы котькуд коммунист собранилы пыр-поч дасяськыны мел быгатоз.

Быр'ён'ёс вакытэ важнейшой задачасын луэ партийной орган'ёсты тырмыт эскерем большевик'ёсты, асьме партимылы пумтэм преданной но партимылэсь ужзэ пумозяз защищать карыны быгатысь большевик'ёсты быр'ёс. Т'яни со указание котькуд партийной организациослэсь, котькуд коммунистлэсь кулэ каре быр'ёс партийной органэ Чектэм кандидатураосты мур-мур об'судить каремзэс. Кылем быр'ён'ёс дыр'я куд-сгез первичной парторганизациос (райуполнаркомзагын но Воршиловлэн нимыныз нимама колхозын) быр'ён'ёссы бездельник'ёсты, ужаны мылпотымтэ мур'ёсты, та партийной организациосын политико-воспитательной уж ёз нуисыкы.

Соин ик котькудэ кандидатураез умой-умой обсуждать карыса, Чектэм эш'ёслэсь деловой но политической качествозэс дун'ян борды здраво кутсыкыса, первичной парторганизациослэн кивалтись орган'ёсазы быр'ёс уж вылын эскерем, азымыныс адымиосты, массаез, партийно-политической ужез организовать карыны но XVIII партконференциезлэсь но ВКП(б) ЦК-лэсь решениоссыс уланын по-большевистски быдэс'яны быгатысь мур'ёсты.

Кизенлы умой дасяськыз

„Труженик“ колхозысь колхозник'ёс „Удмуртской АССР-ысь“ сельскохозяйственной культураослэсь удалтонлыксыс но пудо вордонлэсь продуктивностьсэ Жутэм понна колхозник'ёслэн ужамзылы ватсаса тырон сярхыс“ СССР-лэн СНК-езлэсь но ВКП(б)-лэн ЦК-езлэсь постановленизэс Жугскем мылкыдэн обсуждать каро. Колхоз кылем арын но Зечлыко урожай басытыз. Постановленизэс изучать карыса колхозник'ёслэн уката но бадзм мылкыдызы туэ Зечлыко урожай басытыны. Колхоз тулыс кизёнлы но гужем уж'ёссы производственной план составить к а р и з. Колхоз

план'я 163 гектар выль тысё ю кизёз. Котькуд гектар выльсы 13,5 центнер ю-тысь басытыса ваньзэ 22005 центнер тысё ю басыто. Котькуд етин звеноос гектарысь 3,2 центнер етин мертчан басытыны выльсы дасясько.

Колхоз кизёнлы кык пол сортировать карыса кидыс дася. Кидыслэн потонлыкэс эскеремын. 850 воз кыед поттиз, 18 центнер пень окт'язы. Тырмыт минеральной удобрение дасямын.

Сельскохозяйственной инвентарь выли Зечлыко ремонтировать каремын но ог интыын тыремын.

Куклин.

Вал'ёсты выли тырлыкось карыны нюр'яське

„Труженик“ колхоз тулыс кизёнлы вал'ёсты выли тырлыкось карон понна нюр'яське. Колхоз тулыс кизён азелы умой тырмыт вал с'ян дася. Сеялкаосын кызыны вис'ям вал'ёсты шытэгон понна умоесь условиос кылдытэмын. Ваньмызы ужано вал'ёслы сиес тырлык тупат'яса укомплектовать каремын. Колхозник'ёс асьсэлэсь ужано вал'ёссыс тодо ни.

Куклин.

Кизенлы уг дасяськы

„Светлый путь“ колхоз тулыс кизёнлы чидантэм ляб дасяське. Плуг'ёсты но сеялкаосты ремонтировать карыны ёз кутсыкылы, соос лымы улын согыськылэмын. Колхозын го-зысы уг тырмо, колхозлэн председателез Стрелков со сярхыс но кычэ уждрад'ёс ёз кутылы на.

Тулыс кизёнлы вал'ёсты уг дася. Вал'ёс ули тырлыкось.

„Красный отряд“ колхоз но тулыс кизёнлы дасяськон бордын ляб ужа.

С. Т. Перевозчиков.

Кизенлы дасы

Азымыныс колхозник'ёслэн ужамзылы ватсаса тырон сярхыс партилен но правительстволэсь постановленизэс „Шенер“ колхозысь колхозник'ёс Жуткем мылкыдэн обсуждать каро но постановлениез Зечкылало. Колхоз выли урожай басытон понна, тулыс кизёнлы умой дасяськыз. Кидыс кык пол сортиро-

вать карыса чылкыт дасямын. Сельскохозяйственной инвентарь—плуг'ёс, усьос, сеялкаос—умой ремонтировать каремын. Минеральной удобрение план'я тырмыт дася.

Вал'ёсты сикет уж'ёсысь мозмытыса тулыс кизёнлы дася. Али ваньмызы вал'ёслэн тырлыксы умоесь.

ПОРОЗОВ.

Заемлы взнос тыронэз но облигациосты сет'янэз жоген йылпум'яно

Куиньметй пятилетка (куиньметй араз поттэм) заемлы взнос тыронэс колхозник'ёс кемалэс йылпум'язы ни. Али котькуд бухгалтер, счетовод облигациосты подписчик'ёслы сёт'яны кулэ. Озы ке но куд-ог сельсовет'ёс колхозник'ёслы облигациосты сёт'яныз жегато. Киварской но Билибской сельсовет'ёсысь налоговой агент'ёс Ложкин но Иванова облигациосты сёт'янын ответственностьтэк ужало, уг эскерылэс заём'я уполномоченной-ёслэсь ужзэс.

Рабочийёслэн но служащийёслэн заемлы взнос тыронзы апрель толэзе йылпум'ясыкы. Озы ке но куд организациослэн уноесь задолженностьсы вань на. Районыстымы ыккыс ик МТС-ёс но мукет'ёс-

ыз учреждениос, дырыз дыр'я перечислениос лэстылымтэнызы, заемлы взнос тырон'я туж бадзм тырон карызы.

Куд предприятиосысь но организациосысь ужасьёс заемлы взнос тыризы но мукет интыосы ужаны кошкызы, нош облигациоссыс вуж ужам интысытызы ёз басытэ. Кылсярысь, Шаркан детдомысь 14 мурт, „Металлист“ артельсысь 15 мурт, райздравысь 15 мурт облигациосты басытытэк кошкызы. Сберкасса но облигациосты дыраз сёт'ян понна умой-умой уг сюлмасыкы, бухгалтер'ёсты но счетовод'ёсты контролировать уг кары.

Ваньмызы заемлы гожкем но взнос тырем мурт'ёслы вакчи дырын облигациос сёт'ямын луны кулэ. Поткин.



Ленинског МТС-ысь тракторист-ёслэн бригады (Московског област) сельскохозяйственной инвентарез ремонтировать каронез азинлыко ортчят.

Снимок: Тракторной бригадалэн бригадирез М. Д. Сидорина (паллянысез) но тракторист А. М. Аничин тракторез ремонтировать каро.

Нюлэс дасян планэз дырылзэсь азьло быдэстон понна нюр'ясько

„Горд партизан“ но „Тыловый“ колхоз'ёс трудгужповинностья нюлэс дасян планэз дырылзэсь азьло быдэстйзы. „Тыловый“ колхозысь колхозник'ёс М. Е. Агафонов, И. Куклин эш'ёс нуналлы быдэ 4 плотной кубометр пуктылйзы. Озы ик синмаськымон ужазы пу ворттонын Г. Максимов но Ф. Максимов эш'ёс.

Та колхоз'ёсысь колхозник'ёс асьсэ вилэ обязательство басьтйзы нюлэс дасянлэн кыктэтй кварталэзлэсь планэз 10 апрелёз быдэстыны.

Куклин но Вахрушев.

Скарлатина но соин нюр'яськон

Скарлатина—секут паласькись (инфекционной) висён. Висёнэз кылдытись шонер тодмо өвёл, нош научной учкон'ёс'я, скарлатинаез кылдытэ микроб, озы нимаськись фильтрауций вирус. Скарлатинаез уюгес висё 3-ысен 10 аресозь пивал'ёс, 3-ысен 6 толзёзэ пивал'ёс ёжыт висё. Сое валектыны луэ соин, что соос изолировать каремын калыклэсь во вордскемзылэсь азьло мумызылэсь, вир пыртй, кылдэм иммунитет. Та висёнэн мбйыос ёжыт висё.

Микроб организмэ шеде шокаку но кар'яське (локализуется) ньылонэ. Со ньылонлэсь желёзаоссэ пыктытыса авига кылдытэ, собере вире шеде. Паласькемез бере скарлатина 3—11 нунал улыса гинэ шёдске. Озы римаськись лучкем дыр бере кутске самой висён. Нуналкын температура 40 градусозь жутске, кутэ сёлэмшуг луон, ёскон, йыр

Антирелигиозной ужез выли удысэ

2 апреле воинствующий безбожник'ёслэн союззылэн районной конференциез ортчиз. Конференциын кылзэмын вал СВБ-лэн Шарканской райсоветэзлэн председателезлэсь Воронцов эшлэсь отчетной докладзэ. Докладысьтыз тодмо луиз, что СВБ-лэн первичной ячейкаосыз та берло ар'ёсы унолы будйзы, озы ик член'ёсыз но унолы будэмын. Али 26 первичной ячейкаос лыд'ясько, отчы кыскемын 361 мурт член'ёс. Райцентрын нимысьтыз лекторской группа кылдытэмын.

Шонерак верано луэ, что уноез ячейкаос бумага вылын гинэ лыд'ясько. Антирелигиозной ужез районамы чидантэм урод пуктэмын. Районной центрын антирелигиозной темаос'я кык лекция гинэ вал. Нош колхоз'ёсын лекциосты ортчыт'ян сярсы лектор'ёс өз но малпалляське на.

Воронцов эш антирелигиозной ужлэн ляб мынэмезлэсь мугзэ избач'ёс вылэ погылытыны туртскиз. Нош прениын выступлениеос'я тодмо луиз, СВБ-лэн райсоветэз но кычэ но конкретной указаниос избач'ёслы өз сёт'я. Суруновской сельсоветлэн избачез Перевозчиков эш аслаз выступленияз шуиз: „Мон быдэс ар ужасько ни избачын, нош инструктивной совещание одйг пол но райсовет өз отылы на. Та

лырозь колхоз'ёсын одйг лекция но ой вал. Дышетисьёс антирелигиозной ужез кулэен уг лыд'яло. Сельсоветын НСШ вань, нош отын первичной ячейка организовать каремын өвёл. Районной газет но СВБ-лэн первичной ячейкаосызлэн ужамзы сярсы аслаз страницаяз материал'ёс өз поттылы. Газет бамысь адзыны луылэ религиозной праздник'ёслэч уродлыксы сярсы беседаосты гинэ“.

СВБ-лэн райсоветэзлэн 1941 арлы ужаны планэз но өвёл на. Райсоветлэн финансовой планэз быдэсемын өвёл, учет асэрказэ лэземын.

Колхоз'ёсын антирелигиозной ужез ляб нуэмен, колхоз'ёс религиозной праздник'ёсты праздновать каро. „Козино“ колхозын религиозной праздник'ёсты праздновать каремнызы уно уж жегаз. Колхоз кутсаськонзэ өз быдэсты на. Религиозной праздник'ёсы 1118 человеко-дней быремын. Сычэ ик уж „Бакино“ колхозын но.

Азъпалан антирелигиозной ужлэн тагэ мынэмезлы но кызы чиданы уг луы. Райсоветлэн выль составезлы колхоз'ёсын антирелигиозной ужез кулэз'я пуктон понна комсомольской организациосты, дышетисьёсты, дышеткисьёсты но профорганизациосты огазьяно.

Бегашев.

Нюлэс дасян 10 апрелёз быдэстэмын луоз

„Гондырвай“ колхозысь колхозник'ёс кыктэтй кварталэ нюлэс дасян планэз 10 апрелёз 100 процентлы быдэстон понна асьсэ вылэ обязательство басьтйзы. Басьтэм обязательствоэс быдэстон понна-

соос кулэ луись лыдын нюлэскы потйзы.

Софронов Егор Иванович но Гондырев Прокопий Степанович пу коранын нормазэс 120-150 процентлы быдэс'ялляло. Туданов.

пушлэн воспалениез, кудйз кылонэз лябомытэ яке копак кылэмысь дугдытэ, пекляослэн (почкаослэн) воспалениезы но мукет'ёсыз.

Скарлатинаен нюр'яськон ужрад'ес

Скарлатинаен висисьёсты, висемзэс шёдэм бере ик, тазаосыз бордысь 42 нуналлы вис'яно. Сое быдэстыны луэ больницаысь койкае понэм улсын.

Висисьёсын огазын улэм пивал'ёслы предохранительной прививка но 12 нуналлы карантин ортчытське. Помещениез но вань лйскутэз дезинфекция пыр лезёно.

Скарлатина висёлэн осложнениезек но жог бурмонзэ—кулонлэсь мозмытскон. Соин ик висисьёсты чик жегатскытэк больницае нуоно. Висисьёсты больницаын эм'ян—висёнэз мукет'ёсызлы вёлмытэмлэсь мозмытскон.

Коршунов,

Шарканской больницалэн фельдшерез.



Опералэн но балетлэн Одесског государственной театраз Одесског Пригородской районьсы 800-лэсь но уно колхозник'ёс коллективно кылзйськызы „Иван Сусанин“ операез.

Снимок: „Большевик“ сельхозартельсы колхозник'ёс театрлэн лозяз. Нырысь планын—колхозниц Лена Кечурук но ездовой Василий Шелковенко.

Дунын лекция

Шаркан селосысь культура-лэн районной юртэзлэн заседаниос ортчыт'ян залаз 4 апреле ВКП(б)-лэн Удмуртской обкомезлэн лекторез Фонарев эш „Малы дышетэ асьмеды ВКП(б)-лэн историез“ темая лекция лэсьтйз. Лекция дукэ вал. Лекциез кылзыны райцентрысь уно лыдын советской интеллигенция, средней школаысь дышеткисьёс но рабочийёс ветлйзы.

Европанын но Африкаын война

3 апреле выжон уй германской самолет'ёс Южной Англилэн но Шотландилэн портовой но промышленной сооружеиоосы вылэ налет лэсьтйзы. Разведывательной самолет'ёсын вййтэмын 2 английской пароход'ёс но кужмо уродмытэмын мукет'ёсыз 6 торговой пароход'ёс. Английской самолет'ёс 2 апреле Голландилэн побережысьтыз вооруженной торговой пароход'ёс вылэ нападение ортчытызы.

Албанилэн фронт'ёсаз аргиллерийской перестрелка ортчиз. Центральной фронтын греческой войскаос итальянской альпинийской войскаослэсь батальонзэс быдтйзы. Эритреяын итальянской частёс страналэн столицаысьтыз Асмараысь эвакуироваться карем бере юг пала пегёо. Англичан'ёс наступление нуо Массауа вылэ (Красной мреысь порт).

Рейтер агенстволэн ивортэмез'я, английской военной командованилэн представителез вераз, что Массауез итальянец'ёс кысь басьтонэз лубой дыре витыны луэ, так как соос со морской-базаез возмань уг но туртско.

Английской войскаос Абиссинийн страналэн центральной люкетаз мыпо. Диредзуа гсрод ласянь Аддис-Абеба вылэ наступать карись южно-африканскй войскаос али дыре Абиссинской столица понна котькулэсь но бад'ым кышкытлыко луо.

(ТАСС).

Редактор Н. ВАХРУШЕВ.

Издатель РАЙСОВЕТ.